

耳根圓通之殊勝

《楞嚴經》卷2：「汝猶未明一切浮塵諸幻化相，當處出生隨處滅盡，幻妄稱相，其性真為妙覺明體，如是乃至五陰、六入，從十二處至十八界，因緣和合虛妄有生，因緣別離虛妄名滅，殊不能知生滅去來，本如來藏常住妙明，不動周圓妙真如性，性真常中求於去來、迷悟、死生，了無所得。」¹

《楞嚴經正脈疏》卷2：

會通四科即性常住：四科，即五陰、六入、十二處、十八界也。前科言寂常妙明之心。最親切處，現具根中故。剋就根性，直指真心。然雖近具根中，而實量周法界，遍為萬法實體。今於萬相中，一一剖相出性，是以齊此不復稱其見性之別名，乃舉其總名，曰如來藏心妙真如性。²

《楞嚴經》卷2：

汝身汝心皆是妙明真精妙心中所現物，云何汝等遺失本妙圓妙明心寶明妙性，……不知色身外洎山河虛空大地，咸是妙明真心中物。譬如澄清百千大海，棄之，唯認一浮漚體，目為全潮窮盡瀛渤。³

《楞嚴經》卷4：

如來藏妙覺明心遍十方界，含育如來十方國土，清淨寶嚴妙覺王剎。⁴

【耳根殊勝及其圓通】

於「云何十二處本如來藏妙真如性」下

《楞嚴經》卷3：「汝更聽此祇陀園中，食辦擊鼓、眾集撞鐘，鐘鼓音聲前後相續。於意云何，此等為是聲來耳邊？耳往聲處？阿難！若復此聲來於耳邊，如我乞食室羅筏城，在祇陀林則無有我；此聲必來阿難耳處，目連、迦葉應不俱聞，何況其中一千二百五十沙門，一聞鐘聲同來食處。若復汝耳往彼聲邊，如我歸住祇陀林中，在室羅城則無有我；汝聞鼓聲，其耳已往擊鼓之處，鐘聲齊出應不俱聞，何況其中象馬牛羊種種音響。若無來往，亦復無聞。是故當知聽與音聲俱無處所，即聽與聲二處虛妄，本非因緣、非自然性。」⁵《楞嚴經》卷4：「第一義者，汝等若欲捐捨聲聞，修菩薩乘入佛知見，應當審觀因地發心與果地覺為同？為異？阿難！若於因地，以生滅心為本修因，而求佛乘不生不滅，無有是處。」⁶

《楞嚴經》卷4：「第一義者，汝等若欲捐捨聲聞，修菩薩乘入佛知見，應當審觀因地發

¹ (CBETA, T19, no. 945, p. 114, a19-25)

² (CBETA, X12, no. 275, p. 245, a1-7 // Z 1:18, p. 212, c7-13 // R18, p. 424, a7-13)

³ (CBETA, T19, no. 945, p. 110, c23-p. 111, a1)

⁴ (CBETA, T19, no. 945, p. 122, a15-16)

⁵ (CBETA, T19, no. 945, p. 115, c13-24)

⁶ (CBETA, T19, no. 945, p. 122, a28-b3)

心與果地覺為同？為異？阿難！若於因地，以生滅心為本修因，而求佛乘不生不滅，無有是處。」⁷

《楞嚴經》卷4：「聲於聞中自有生滅，非為汝聞聲生聲滅，令汝聞性為有為無。汝尚顛倒惑聲為聞，何怪昏迷以常為斷。終不應言，離諸動靜、閉塞、開通說聞無性。如重睡人眠熟床枕，其家有人於彼睡時擣練舂米，其人夢中聞舂擣聲，別作他物，或為擊鼓、或復撞鍾，即於夢時自怪其鍾為木石響，於時忽寤遙知杵音，自告家人：『我正夢時，惑此舂音將為鼓響。』阿難！是人夢中豈憶靜搖、開閉、通塞，其形雖寐聞性不昏，縱汝形銷命光遷謝，此性云何為汝銷滅？以諸眾生從無始來，循諸色聲逐念流轉，曾不開悟性淨妙常，不循所常逐諸生滅，由是生生雜染流轉；若棄生滅守於真常，常光現前，塵根識心應時銷落，想相為塵、識情為垢二俱遠離，則汝法眼應時清明，云何不成無上知覺？」⁸

《楞嚴經》卷5：「阿難白佛言：『世尊！如來雖說第二義門，今觀世間解結之人，若不知其所結之元，我信是人終不能解。世尊！我及會中有學聲聞亦復如是，從無始際與諸無明俱滅俱生，雖得如是多聞善根名為出家，猶隔日瘡。唯願大慈哀愍淪溺，今日身心云何是結？從何名解？』」

⁹《楞嚴經》卷5：「阿難！汝欲識知俱生無明，使汝輪轉生死結根，唯汝六根更無他物。汝復欲知無上菩提，令汝速[證]登安樂解脫寂靜妙常，亦汝六根更非他物。」

阿難雖聞如是法音心猶未明，稽首白佛：「云何令我生死輪迴、安樂妙常同是六根，更非他物。」

《楞嚴經》卷5：「佛告阿難：

根塵同源，縛脫無二，識性虛妄猶如空花。阿難！由塵發知，因根有相，相見無性，同於交蘆。是故汝今，知見立知，即無明本；知見無見，斯即涅槃、無漏真淨。云何是中，更容他物？」

爾時，世尊欲重宣此義，而說偈言：

「言妄顯諸真，妄真同二妄，猶非真非真，云何見所見？中間無實性，是故若交蘆；結解同所因，聖凡無二路。汝觀交中性，空有二俱非；迷晦即無明，發明便解脫。解結因次第，六解一亦亡；根選擇圓通，入流成正覺。」¹⁰

此後引劫波羅天華巾為例，綰疊華巾成六結，一一結成。說：「此寶華巾，汝知此巾元止一條，我六綰時，解月六結。」「六結不同，循顧本因，一巾所造。」

⁷ (CBETA, T19, no. 945, p. 122, a28-b3)

⁸ (CBETA, T19, no. 945, p. 124, a19-b5)

⁹ (CBETA, T19, no. 945, p. 124, b14-19)

¹⁰ (CBETA, T19, no. 945, p. 124, c6-22)

《楞嚴經》卷5：「結本以次第綰生，今日當須次第而解，六結同體結不同時，則結解時云何同除？」佛言：「六根解除亦復如是。此根初解先得人空，空性圓明成法解脫，解脫法已俱空不生，是名菩薩從三摩地得無生忍（不生滅心）。」¹¹

此六結者，即後解六結：靜、動、根、覺、空、滅之張本，而根解結，得證人空、法空與空空。

《楞嚴經》卷5：「大勢至法王子與其同倫五十二菩薩即從座起，頂禮佛足而白佛言：我憶往昔恒河沙劫，…其最後佛名超日月光，彼佛教我念佛三昧。譬如有人，一專為憶一人專忘，…十方如來憐念眾生如母憶子，若子逃逝雖憶何為？子若憶母如母憶時，母子歷生不相違遠，若眾生心憶佛（事憶念---能念、所念分明，毫無雜緣；理憶念---能念所念一如）念佛，現前當來必定見佛（事念成就—見化身--他佛；理念成就---見真身—自佛）去佛不遠，不假方便自得心開，如染香人身有香氣，（上根染佛心香—法身；中根染佛身香—（勝）應身---方便有餘土，及實報土；下根染佛名香—化身--凡聖同居土）此則名曰香光莊嚴。我本因地（以不生滅心為因地）以念佛心入無生忍，（該因徹果）今於此界攝念佛人歸於淨土。佛問圓通，我無選擇，都攝（唯攝一精明，則一精既攝，六用不行，而六根都攝矣）六根，」（外不擇眼耳的六根之相，內不擇見聞等六根之用）淨念相繼得三摩地斯為第一！」¹²

【念佛三昧】：事念、理念至事一心、理一心

《楞嚴經講義》：「今本章念佛，乃是持名念佛，有事念理念之分：事念者，有能念之心，所念佛號，一心繫念於佛，心佛不相捨離。余常示人：事念之法，心中惟有佛，佛外更無心，口念心念，心唸口念，字字從心起，字字從口出，字字從耳入。如是念法，不至昏散，念念相繼，無有間斷。設若念久口燥，心唸口不念則可，口念心不念則不可。更有二喻，以喻念佛之法：一、當如貓捕鼠，提起全副精神，身毛皆豎。又當如雞抱卵，放下一切思想，飲啄渾忘。果能如是念佛，雖為事念，不但往生可必，而悟理亦自可期。如空谷禪師云：「不必參念佛是誰，直爾純一念去，亦自有悟日」是也。理念者不必別舉話頭，只須把一句阿彌陀佛，即念反觀，能念心外，無有佛為我所念心即是佛，所念佛外，無有心能念於佛佛即是心，能所雙亡，心佛一致，此即中道，理性念佛。終日念佛，終日無佛可念，終日無念，終日念念念佛；若言其有，則能念之心，了不可得，所念之佛，離相絕名；若言其空，則能念之心，靈靈不昧，所念之佛，歷歷分明。如是念佛，空、有不立，心、佛一如，則持名念佛，通乎實相。雖然四種念佛，後後深於前前，而

¹¹ (CBETA, T19, no. 945, p. 125, b22-26)

¹² (CBETA, T19, no. 945, p. 128, a21-b6)

理念功成，亦前前徹於後後也。」

有關「三昧」：

「即一心不亂，念佛功成也。亦有事一心念佛三昧，理一心念佛三昧。何謂事一心念佛三昧？聞說念佛法門，可以橫超三界，疾出生死，即深信不疑，願生淨土，專心繫念，句句分明，念念相續，行、住、坐、臥，惟此一念，更無二念，即是以一念，而除眾念，不為內惑外境，之所雜亂。如《成具光明定意經》云：「空閒寂寞，而一其心；在眾煩惱，而一其心；乃至訕謗利失，善惡等處，而一其心」者是也。此於事上即得，理上未徹，惟得信力成就，未見道故；但屬定門，無有慧故；祇能伏妄，不能破妄；往生淨土，九品蓮華之中，則在中三品。以功力之淺深，而分上、中、下；而下品三品，乃未得事理一心，念佛三昧者之所生也。

何謂理一心念佛三昧？聞說念佛法門，即是無上深妙禪，即於念佛之時，諦實觀察，念佛即所以念心，心佛一如，能所不二，寂而常照，是無念而念，照而常寂，是念即無念，了知佛即是心，心即是佛，心佛見泯，能所情亡，寂然不動，湛然常住。此不專事相，純修理觀，而得觀力成就，能見諦故，屬慧門攝；兼得定故，安住唯心淨土，親見自性彌陀。往生淨土，當在上三品。生則決定生，去則實不去。以十萬億程外之極樂，亦不出一心之外故也。 /

三昧是禪觀通名，如《智論》云：「一切禪定攝心，皆名三昧」是也。此曰念佛三昧，亦名一行三昧。文殊般若經，佛告文殊：欲入一行三昧者，應處空閒，捨諸亂意，不取相貌，繫心一佛，專稱名字，隨彼方所，端身正向，能於一佛，念念相續。即是念中，能見過去、未來、現在諸佛，念一佛功德，與念無量佛，功德無二。若得一行三昧者，諸經法門，皆悉了知。 /

問：「此教念佛，為念十方佛耶？為念阿彌陀佛耶？」答：「為念阿彌陀佛。」普廣菩薩問佛：十方俱有佛土，何以獨讚西方？佛言：閻浮提人，心多雜亂，令其專心一境，乃得往生，若念十方諸佛，境繁意散，不成三昧，況諸佛同一法身，念一佛，即念一切佛故。又稱念彌陀名號，隨佛本願，願云：十方眾生，聞我名號，乃至十念，若不生者，不取正覺。十念尚得往生，況一心憶念耶？念佛法門，古稱徑中徑，但能淨念相繼，便得往生，如驥驟雖超群馬，未及龍飛；鶴沖已過凡禽，爭如鵬舉。驥驟鶴沖，譬餘門念佛，群馬凡禽，譬其他法門，龍飛鵬舉，譬持名念佛，惟此持名念佛法門，但持六字洪名，便得往生淨土，圓證三不退，其功簡、其效速。」¹³

【事念、理念表解】

¹³ 以上見 圓瑛大師《楞嚴經講義》十方佛弟子 頁 847-850

**事念、理念，只是能（念心）所（念佛），之開合而言。事念佛：從能、所判然，以至能、所合一而言之；理念佛：從能、所雙亡而言之。前者可結合到後者。後者亦可單獨而為之。

事念佛---事一心	理念佛---理一心
事念者，有能念之心，所念佛號，一心繫念於佛，心佛不相捨離。事念之法，心中惟有佛，佛外更無心，口念心念，心念口念，字字從心起，字字從口出，字字從耳入。（心、口、耳三者相應—有能念，有所念）如是念法，不至昏散，念念相繼，無有間斷。設若念久口燥，心念口不念則可，口念心不念則不可。（仍以心為主）／一、當如貓捕鼠，提起全副精神，身毛皆豎。又當如雞抱卵，放下一切思想，飲啄渾忘。果能如是念佛，雖為事念，不但往生可必，而悟理亦自可期。（事念—能所分明¹⁴；可達理念—能所合一）如空谷禪師云：「不必參念佛是誰，直爾純一念去，亦自有悟日」是也。	理念者不必別舉話頭，只須把一句阿彌陀佛，即念反觀（即反聞自性，當下即是），能念心外，無有佛為我所念心即是佛，所念佛外，無有心能念於佛佛即是心，<u>能所雙亡</u>，心佛一致，此即中道，理性念佛。終日念佛，終日無佛可念，終日無念，終日念念念佛；若言其有，則能念之心，了不可得，所念之佛，離相絕名（非有）；若言其空，則能念之心，靈靈不昧，所念之佛，歷歷分明（非空）。如是念佛，空、有不立，心、佛一如，則持名念佛，通乎實相。（實相念佛法）
何謂「事一心念佛三昧？」聞說念佛法門，可以橫超三界，疾出生死，即深信不疑，願生淨土，專心繫念，句句分明，念念相續，行、住、坐、臥，惟此一念，更無二念，即是以一念，而除眾念，不為內惑外境，之所雜亂。如《成具光明定意經》云：「空閒寂寞，而一其心；在眾煩惱，而一其心；乃至訕謗利失，善惡等處，而一其心」者是也。此於事上即得，理上未	何謂「理一心念佛三昧？」聞說念佛法門，即是無上深妙禪，即於念佛之時，諦實觀察，念佛即所以念心，心佛一如，能所不二，寂而常照，是無念而念，照而常寂，是念即無念，了知佛即是心，心即是佛，心佛見泯，能所情亡，寂然不動，湛然常住。此不專事相，純修理觀，而得觀力成就，能見諦故，屬慧門攝；兼得定故，安住唯心淨土，親見自性彌陀。往生淨

¹⁴ 《圓覺經》卷1：「一切眾生種種幻化，皆生如來圓覺妙心，猶如空花從空而有，幻花雖滅空性不壞；眾生幻心還依幻滅，諸幻盡滅覺心不動。依幻說覺亦名為幻，若說有覺猶未離幻，說無覺者亦復如是。是故，幻滅名為不動。善男子！一切菩薩及末世眾生，應當遠離一切幻化虛妄境界，[1]由堅執持遠離心故，心如幻者亦復遠離，遠離為幻亦復遠離，離遠離幻亦復遠離，得無所離即除諸幻。譬如鑽火兩木相因，火出木盡灰飛煙滅；以幻修幻亦復如是，諸幻雖盡不入斷滅。善男子！知幻即離，不作方便；離幻即覺，亦無漸次。一切菩薩及末世眾生依此修行，如是乃能永離諸幻。」(CBETA, T17, no. 842, p. 914, a10-23)

徹，惟得信力成就，未見道故；但屬定門，無有慧故；祇能伏妄，不能破妄；往生淨土，九品蓮華之中，則在中三品。以功力之淺深，而分上、中、下；而下品三品，乃未得事理一心，念佛三昧者之所生也。	土，當在上三品。生則決定生，去則實不去。以十萬億程外之極樂，亦不出一心之外故也。
---	--

《楞嚴經》卷6：「爾時，觀世音菩薩即從座起，頂禮佛足而白佛言：

世尊！憶念我昔無數恒河沙劫，於時有佛出現於世名觀世音，我於彼佛發菩提心，彼佛教我從聞思修入三摩地。初於聞中入流亡所，所入既寂，動靜二相了然不生，如是漸增，聞、所聞盡，盡聞不住，覺、所覺空，空覺極圓，空、所空滅，生滅既滅寂滅現前，忽然超越世出世間，十方圓明獲二殊勝：一者上合十方諸佛本妙覺心，與佛如來同一慈力；二者下合十方一切六道眾生，與諸眾生同一悲仰。」¹⁵

**次第結解修證——觀音耳根圓通表解

「六結」由外入內，由淺至深：一層剝去一層，如剝芭蕉然。先除其所，次及其能；能後又自有體，體又分能所，反覆深入。正如老子所謂：「為學日益，為道日損，損之又損，以至於無，無為而無不為。」

解六結	觀音解結修證	破五陰	得三空
動結	原文：「初於聞中，入流（法性之流）亡所。」——此解「動結」解：最初於耳根聞性之中（非肉耳、非耳識、非意識），下手起修，入流照自性（耳根順聞出流奔聲——順聲奔聲外注：如車聲、人聲、風、雨、鐘、鼓等可意音、不可意音、俱非音等，向外攀緣馳騖，隨境而轉者，乃無始劫來如是輪迴不止，一刻不停，故不得解脫；此即結縛之元。今返聞自性，即入不生不滅法性之流，此即解脫之本）——就先解脫聲塵之「動結」（於聲塵中，不為所轉，則聲塵不亡而自亡，即於其中得解脫，然非聞性亡）。然動塵已滅，靜塵方現，而靜塵之境，亦未可著，當知靜塵亦是結，亦宜解之。	破色陰	人空
靜結	原文：「所入既寂，動靜二相，了然不生。」——此解「靜結」解：既亡動塵，仍當反聞入流照自性，不住靜境，直到動靜二塵俱解，有聲、無聲二塵俱泯，才能達到俱寂之境（非惟境靜須寂。乃動靜二塵，至此俱寂之境，故曰「了然不生」）——動靜二結，乃是色陰區宇，解此即破「色陰」。		

¹⁵ (CBETA, T19, no. 945, p. 128, b15-25)

根結	原文：「如是漸增，聞所聞盡。」---能聞是「根」，所聞是「塵」：此解「根結」 解：動靜二塵---即二結已解---外塵，「根結」斯現（屬「受陰」），亦復是結，亦當解除。仍用反聞功夫，漸次增進，加功用行，定力轉深，非但所聞動靜二塵，了然不生，即能聞之根，亦隨所聞以俱盡（塵既不緣，根無所偶，到此根結亦解，無有能受所受，則「受陰」破矣）。	破受陰	
覺結	原文：「盡聞不住，覺所覺空。」---能覺是「智」，所覺是「境」：此解「覺結」 解：能聞和所聞俱盡，根塵雙泯之境，六用不行，識無從生。仍餘一覺（湛一無邊之境現前，若住此盡聞之境，但得我空，未得法空，則永墮無為深坑），故復加功用行，進觀聞性，至能覺之智，與所覺之境，二俱空寂，泯然無復對待（此破「法執」，得「法空」。---破「想陰」）。	破想陰	法空
空結	原文：「空覺極圓，空所空滅。」---能空是「理」，所空是「覺」：此解「空結」 解：既空能覺之智和所覺之境，則覺結雖解，空亦是結，亦當解結，以能空所空，二俱宛在，空性未圓（若迷於空理，不能放捨，即有理障）。還當進修，入流照性，參究空何所依，直至「所空」之境滅，即「能空」之空亦滅。始破「行蘊」。	破行陰	
滅結	原文：「生滅既滅，寂滅現前。」---生是滅結，滅是空結：此解「滅結」 解：如前動滅，靜生；靜滅根生；根滅覺生；覺滅空生；空滅滅生，六結悉生滅法。故當還元一切生滅法。 如今「滅結」亦當解除。（此結不解，恆住俱空之境，猶為圓通細障—無明細惑），禪門所謂「貼體汗衫，末後牢關。」此結一解，乃能親見本來面目。故必滅此滅結，則寂滅真理現前（此寂，非對動之寂，從無始來，本不生滅之寂。此滅，亦非對生之滅，從無始來，本自無生之滅。 即觀智還元，一切生滅悉皆滅已，此去更無可滅，如是「水落石出」真體現前。又如鏡自圓明，豈待外求哉！乃如來藏妙真如性，為真心之全體）---如是破「識蘊」矣。	破識陰	空空

《楞嚴經》卷6：「佛問圓通，我從耳門圓照三昧（首楞嚴三昧），緣心自在因入流相（即「果後修因」，又曰「帶果行因」--「入流亡所」：以不生滅心為本修因，即從聞、思、修，解六結，破五陰¹⁶），得三摩[地]提成就菩提斯為第一！世尊！彼佛如來歎我善得圓

¹⁶ 見圓瑛法師《楞嚴經講義》頁934

通法門，於大會中授記我為觀世音號，由我觀聽十方圓明，故觀音名遍十方界。/…於是如來告文殊師利法王子：

汝今觀此二十五無學諸大菩薩及阿羅漢，各說最初成道方便，皆言修習真實圓通，彼等修行實無優劣、前後差別；我今欲令阿難開悟，二十五行誰當其根？兼我滅後，此界眾生入菩薩乘求無上道，何方便門得易成就？」¹⁷

《楞嚴經》卷6：「佛問圓通，我從耳門圓照三昧，緣心自在因入流相，得三摩提成就菩提斯為第一！世尊！彼佛如來歎我善得圓通法門，於大會中授記我為觀世音號，由我觀聽十方圓明，故觀音名遍十方界。」¹⁸。

《楞嚴經》卷6：「文殊師利法王子奉佛慈旨，即從座起頂禮佛足，承佛威神說偈對佛：覺海性澄圓，圓澄覺元妙（圓含萬有，湛然不動，寂而常照，不變隨緣）；元明照生所，所立照性亡。（照而常寂，隨緣不變）歸元性無二，方便有多門。聖性無不通，順逆皆方便；（三科、七大，或順或逆而入，廿五方便）

初心入三昧，遲速不同倫。」¹⁹

以下揀「六塵」、「五根」、「六識」、「七大」，「..香以合中知，離則元無有，不恆其所覺，云何獲圓通。…見性雖洞然，明前不明後，四維虧一半，云何獲圓通。…云何獲圓通。」又：「佛出娑婆界，此方真教體（教化眾生所用體法），清淨在音聞。欲取三摩提，實以聞中入。我今啟如來，如觀音所說，譬如人靜居，十方俱擊鼓，十處一時聞，此則圓真實。目非觀障外，口鼻亦復然，身以合方知，心念紛無緒；隔垣聽音響，遐邇俱可聞，五根所不齊，是則通真實。音聲性動靜，聞中為有無，無聲號無聞，非實聞無性；聲無既無滅，聲有亦非生，生滅二圓離，是則常真實。縱令在夢想，不為不思無，覺觀出思惟，（如前熟睡，聞舂米聲）身（眼、鼻、舌三根）心（意根）不能及。今此娑婆國，聲論得宣明，眾生迷本聞，循聲故流轉；…何不自聞（聞根）聞（聞性）？聞非自然生，因聲有名字；旋聞與聲脫（入流亡所），能脫欲誰名（根云何在）？一根既返源，六根成解脫。（根雖有六，其本是一）…元依一精明，分成六和合；…反聞聞自性（圓湛不生滅性），性成無上道，圓通實如是。（圓通雖多，不外如是）此是微塵佛，一路涅槃門，過去諸如來，斯門已成就；現在諸菩薩，今各入圓明，未來修學人，當依如是法。我亦從中證，非唯觀世音。誠如佛世尊，詢我諸方便，以救諸末劫，求出世間人，成就涅槃心，觀世音為最。自餘諸方便，…淺深同說法。…及末劫沈淪，但以此根修，圓通超餘者，真實心如是。」²⁰

¹⁷ (CBETA, T19, no. 945, p. 129, c24-p. 130, a14)

¹⁸ (CBETA, T19, no. 945, p. 129, c24-28)

¹⁹ (CBETA, T19, no. 945, p. 130, a14-27)

²⁰ (CBETA, T19, no. 945, p. 130, c13-p. 131, b22)